

中國方志叢書·華北地方·第五二〇號

據

民國·宋兆升監修，張宗載、齊文煥纂
民國二十一年鉛印本

影印

河北省

棗強縣志

(全)

成文出版社有限公司印行



10106109

中華民國六十五年 月臺一版

棗強縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

棗強縣志序

古者史家著作既成必反覆推明著書之旨此班馬之自序叙傳所由作也志乘爲一邑之史不明史家紹述淵源之義不列專篇乃今前志難傳湮而莫考抑亦弗思之甚矣夫索綯之前涼春秋編資邊劉常璠之華陽國志牛襲譙周是則一方之書不能無藉於一方之紀載若不叙列其人其文明折衷之有自豈非得魚忘筌又何怪乎放失難考耶茲作叙錄明撰述之所自標去取所由來羅列序跋初非以多爲貴第以文獻無徵寧存毋廢畧倣史家叙傳叙錄之意推明其故以爲後來者例焉

任志

天津南馬路榮業大街

天津南馬路榮業大街

東甯縣志補正序

東甯縣志始作於明嘉靖乙卯知縣羅廷唯自以草創未備名曰邑畧至萬歷甲午知縣郭維寧與邑人宋室因邑畧而益輯之於是邑志規模始具嗣是萬歷丙辰知縣王鶴齡邑人陶萬象三脩之清康熙戊申己酉間知縣胡夢龍邑人江澂四脩之越十二年庚申知縣董廷榮復因胡志與江澂續輯迨乾隆十七年壬申知縣單作哲以舊志未能雅馴重纂述焉又五十餘年嘉慶壬戌蕭山任銜憲作宰斯邑時胡志僅存單志亦多闕略遂開局採訪延陽湖楊元錫爲主纂脩單志以地理建置賦役職官選舉人物藝文雜稽爲綱而各繫以子目首末條貫文雅而事核任志易以紀圖表志略傳記錄八者爲經亦各繫子目以緯之二書皆稱精善而任志爲尤詳出治十年大學士合肥李公總督直隸疏陳重脩畿輔通志檄府州縣各脩地志並先以舊志獻通志局備參考宗誠時令東甯訪求舊志僅得一單志朽蠹之本胡志已無一有矣惟任志板本俱存體例詳贍校勘亦復精好上之通志局稱爲直隸州縣志之最蓋任志本於單志單君高密宿儒又嘗從遊於桐城方望溪侍郎得明著作之體要故其爲志博考詳稽微若不足而義法謹嚴文體精潔則任志有不逮焉楊君博學有文長於考據變通義例事與文倍加詳覈而終不若單志之精簡二者蓋亦互有得失今七十餘年中更世變政事人物日滋多矣若不及今搜討編纂久之更慮文獻無徵何以示後然又念任志板既完善必從事更張非仍舊貫之道昔宋施宿撰嘉泰會稽志其後二十五年張湔僑寓紹興以事物沿革今昔不同因彙次嘉

秦辛酉後事作爲續編復於前志補其逸遺廣其疏畧正其譌誤所分門類不用以綱統目之例但各以細目標題明張愷撰常州府志續集凡見於舊志者不錄鄒衡嘉興志補亦然爰仿其例意與邑人士博訪旁搜兼稽檔冊補記嘉慶八年以後之事實並以單任二志互相校閱擇善而從徵引古籍正其遺誤而脩明禮教維持風化之意亦畧見於斯從違去取謹以俟後之君子云爾同治十二年歲次癸酉冬桐城方宗誠撰

方志

東陽縣志序

縣志者記一縣之事實猶之家有家乘國有國史雖體制宏狹不同而要爲一縣之重典爲守土者不可忽之責也余於民國十四年蒞東陽曾考方宗誠所爲縣志補正其志脩於同治癸酉迄今幾六十年矣國勢變更事物紛紜倏儻變幻不可究詰欲整理而續脩之以軍隊過境支應不暇十七年秋余復蒞東陽頒發新政百端待理又不暇爲二十年春省立編輯館脩省通志檄各縣編纂志料以獻其征集之大綱十有八子目十有九余以爲編輯補綴此其時也遂會縣之紳耆反復商榷議決即延請張君宗載齊君文煥會同編纂又令各村教員廣爲采訪以爲豐取矜收之資依征集門類編輯纂述閱五月而報竣彙成巨冊定爲八卷以視余且屬爲序文余以公事忙碌不暇詳叙也畧爲數言以弁其端若完全縣志亦須陸續成立焉民國二十年秋縣長宋兆升記

序

協成印刷局印

東強縣志

三

天津南馬路榮業大街

棗強縣志序

棗強縣志始創於明嘉靖乙卯知縣羅廷唯終補於清同治癸酉知縣方宗誠數百年之久不知幾經脩整而體例沿革始燦然大備使閱之者雁行魚貫皎然可尋亦盡美盡善矣然方志以後距今又六十年時事變遷物理紛擾若不撫拾補綴終嫌於散漫無稽一縣之志猶之一國之史所以晉之乘楚之檣杪所必作而馬遷又因魯史舊名鳩集採訪而成爲史記也邑紳久擬脩志事不果行民國二十年春適值省令征集各縣志料宋縣長兆升邀全縣紳耆及各界領袖商推愚與齊君文煥公同編纂以便呈報然思愚也不文任茲編纂有類蚊負繼思爲一邑公務又不容辭用是邀邑人士博採旁搜共勸斯舉查棗邑胡志不可考而單志亦殘缺殆盡惟任志綱舉目分體例詳瞻校勘亦復精好與靈壽縣志相伯仲方志一仍其舊但彙次嘉慶壬戌後事編纂成帙作爲補正茲特就任方二志詳加校閱按照省令征集門類逐條編集俾同治癸酉以後之事實以類相從紀傳羣分已載者仍之未載者補之庶幾無憾焉民國二十年辛未秋邑人張宗載撰

多引果示

1

天津南馬路榮業大街

棗強縣志序

羅郭諸公之志久散佚余固未之見也所見者僅任方二公之志耳二公者在清代爲碩學宿儒編輯撰述固可勝任而愉快而方公更辨別門類審定部居尤精當可喜民國二十年省立編輯館脩省通志檄各縣編輯志料以獻備采擇而縣長宋公兆升暨各紳耆咸推張君宗載暨文煥任編纂事昔劉知幾云作史湏兼三長曰才學識故無才則措詞必蕪無學則考據不精無識則棄取倒置縣志亦一縣之史也以衰朽庸虛莫擅一長者任之不幾貽笑於來哲乎雖然方志撰於同治十二年以迄於今歷歲五十有七矣中經世變新舊乘除采訪亦云不易使更歷年歲遲之悠久則文獻無徵將何以信今而轉後况編纂志料爲省令之所不容已者乎於是勉承委任廣蒐博儲凡故老之傳聞稗官野史之記載大自疆域河流細至疎林片石以及政治紛繁之跡社會變遷之狀鴻纖鉅瑣靡不逐類推求落其浮誇挹其精實一一依類編輯以次排比而附於征集門類之後其書旣成視任方二公之志固不逮遠甚然五十餘年之墜緒庶可賴此以覩其梗概焉民國二十年辛未秋邑人齊文煥序

夏 引 鼎 元

三

天津南馬路榮業大街

棗強縣志料目錄

卷一

疆域 沿革 位置 區域 面積

卷二

地理 山脈 河流 交通 關隘 名勝 古蹟

氣候

人口

物產

實業

卷三

行政 組織 財政 治安 自治

選舉表

卷四

教育

金融

風土 宗教 衛生 民生 禮俗 歌謠 方言

卷五

人物上 先儒 鄉賢 仕績 武功 忠義 孝友 文學 卓行 厚德

卷六

人物下 仕績 忠義 文學 卓行 厚德

卷七

列女傳 節孝 貞烈 德壽

卷八

藝術

著述

金石

故事 雜稽 災異

外僑

棗強縣志料卷一

縣長宋兆升監修

邑人 張宗載 全纂
齊文煥

疆域

沿革

棗強於禹貢屬兗州之域

(尙書)禹貢濟河惟兗州(傳)東南據濟西北距河(疏)正義曰據謂跨之距至也(周禮)河東曰兗州河內曰冀州(爾雅釋地)兩河間曰冀州郭璞註自東河至西河濟河間曰兗州註自河東至濟(邢昺疏)至於大伾折而北流過澤水至於大陸又北播爲九河同爲逆河入於海謂之東河(前漢書地理志)信都禹貢澤水入海(杜氏通典)冀州郡理東入兗州之域西入冀州之域禹貢故跡以澤水爲界也(胡夢龍縣志)周冀東域兗西界(單作哲縣志)案兗西以大河爲界禹貢錐指兗冀分界當以徒駭故道即今漳水所行是也河自汲縣南東北流至黎陽縣西南出大伾上陽三山之間蘇代謂之宿胥口酈道元謂之宿胥故瀆李垂謂之西河故瀆潯縣舊志云在縣西十里又北至列人斥章之境左會衡漳經所謂北過澤水也又東北入於海及周定王時南徙則衡漳東出循河故道而下至東光縣西與大河合王莽時河益徙而南漳水遂專達於海故以今輿地言之

疆域

協成印刷局印

自濬縣北至鉅鹿南宮新河冀州以達天津凡漳水所經皆禹時冀東瀕河之地中流與兗分界棗強爲古兗州之域決矣

春秋時屬齊後屬晉戰國時屬趙

(左傳)賜我先君履東至於海西至於河(疏)正義曰九河故道徒駭最西以次而東故鄭註禹貢河間弓高以東往往有其遺處尙書中候云齊桓霸遏八流以自廣計桓公之時齊之西境當在九河最西之徒駭(胡志)春秋晉棘津地案元和郡縣志棘津故城在縣東北二十七里左傳晉荀吳帥師涉自棘津(單志)春秋屬齊戰國屬趙案棗強縣春秋時應屬齊域而通典通者皆云屬晉或據其後而追溯之要自三家分晉以前其屬齊固無可疑者史記晉世家言晉四封曰東至河內是大河以東非晉境也棗非河東之疆域乎趙世家武靈王十七年王出九門爲野臺之望齊中山之境九門在常山中山今定州以西境又武靈王曰吾國東有河薄洛之水與齊中山同之注安平經縣有漳水津名薄洛津又曰先王阻漳遙之險立長城是趙至武靈王時其東域猶北不越正定南不越漳遙也謂前此棗已屬晉可乎春秋緯寶乾圖云齊呂堰闕八流以自廣鄭康成云齊桓霸世塞廣田居同爲一河故自堰以北館陶甕陶貝邱高般廣川信都東光河間樂成以東城池並存川瀆多亡此又河東屬齊之明證也謂棗非齊境可乎惟自武靈王以後滅中山拔昔陽趙地日闢齊地漸促然後齊之西北境昔以九河之徒駭爲界者今以南徙之河爲界而棗強始爲趙域矣故棗

強之在春秋以爲屬齊固無可疑者（銜蕙案）通典通考皆云冀州春秋時晉棗強屬故胡志以爲春秋時屬晉也單志春秋屬齊辨之甚詳引史記晉世家東至河內爲證蓋史記言獻公二十五年時疆域也自文公定霸以後疆土日闢當不止是前漢書地理志趙分晉得趙國北有信都眞定常山中山東有廣平鉅鹿清河河間又得渤海郡之東平舒中邑又前漢棗強屬清河郡是當爲趙地矣史記趙世家吾國東有河薄洛之水與齊中山同之正義曰爾時齊與中山相親中山趙共薄洛水故言與齊中山同之據此是薄洛水非與齊同也蓋棗邑春秋時當屬齊後屬晉七國時屬趙庶乎得之

秦并天下以其地屬鉅鹿

（史記）秦始皇本紀二十六年分天下以爲三十六郡（元和郡縣圖志）秦屬鉅鹿郡（太平寰宇記）秦并天下置三十六郡屬鉅鹿杜氏通典文獻通考皆同

漢始棗強縣屬冀州清河郡又置廣川縣屬信都國

（前漢書地理志）清河郡屬冀州縣十四其十三曰棗強信都國屬冀州縣十七其十曰廣川（史記王子侯者年表）元朔三年十月癸酉棗強侯劉晏元年元朔四年四月甲午廣川侯劉頗元年（元和郡縣圖志）漢高帝分趙鉅鹿立清河郡棗強屬其地棗木強盛故曰棗強（太平寰宇記）棗強本漢舊縣地武帝封廣川王子晏爲侯即此